

ახსნა-განმარტებითი შენიშვნები

შპს „ქართული გაერთიანებული კომპანია“

ზოგადი ინფორმაცია

შპს „ქართული გაერთიანებული კომპანია“ დაფუძნებულია „მეწარმეთა შესახებ“ კანონის შესაბამისად და რეგისტრირებულია მეწარმეთა და არასამეწარმეო იურიდიული პირების რეესტრში 2017 წლის 20 ოქტომბერს. იმავე პერიოდში გაიარა საგადასახადო რეგისტრაცია და მიენიჭა საიდენტიფიკაციო კოდი - 426114652; კომპანია არის დღგ-ს გადამხდელი. კომპანიას ყავს 1 მესაკუთრე, ხოლო კომპანიის მმართველობას ახორციელებს დირექტორი - ალექსი ლომიძე.

კომპანიის ძირითადი მიზანია მოგების მიღება ნებისმიერი საქმიანობის გზით, რომელიც არ ეწინააღმდეგება მოქმედ კანონმდებლობას, საზოგადოებისა და დამფუძნებლის ინტერესებს. მის ძირითად სამეწარმეო საქმიანობას წარმოადგენს: სახიდე გადასასვლელების პროექტირება, მშენებლობა, რეაბილიტაცია, მიწის ვაკისის ჩაწყვეტის საწინააღმდეგო პრევენციული ღონისძიებების განხორციელება, საერთო სარგებლობის საავტომობილო გზების მოვლა-შენახვა, მათი პერიოდული შეკეთება, რეაბილიტაცია, მოდერნიზაცია, რეკონსტრუქცია და მშენებლობა, სხვადასხვა დანიშნულების შენობა-ნაგებობების მშენებლობა აგრეთვე თავის საკუთრებაში არსებული მანქანა-მექანიზმების გაქირავება.

კომპანიის იურიდიული მისამართია: ბორჯომის რაიონი, დაბა ახალდაბა, (ზედა ჭაჭარაქი)

მომზადების საფუძვლები

ანგარიშგება მომზადებულია მსს ფასს სტანდარტის შესაბამისად. კომპანიის საანგარიშგებო პერიოდი მოიცავს კალენდარულ წელს 1 იანვრიდან 31 დეკემბრის ჩათვლით.

საწარმო იყენებს ბუღალტრული აღრიცხვის საერთაშორისო სტანდარტებითა და საქართველოს კანონი “ბუღალტრული აღრიცხვის ანგარიშგებისა და აუდიტის” შესაბამისად მოქმედ ანგარიშთა გეგმას. ძირითად საბალანსო ანგარიშებს შესაძლებელია დაემატოს საჭიროებისამებრ ქვე-ანგარიშები.

ფინანსური ანგარიშგების ინფორმაციის ხარისხობრივი მახასიათებლები

ფინანსურ ანგარიშგებაში ინფორმაცია წარმოდგენილია ისე, რომ იგი გასაგებია იმ მომხმარებლებისთვის, რომლებსაც გააჩნიათ ბიზნესის, ეკონომიკური საქმიანობისა და ბუღალტრული აღრიცხვის შესაბამისი ცოდნა და ინფორმაციის გულდასმით შესწავლის სურვილი. ანგარიშგებაში წარმოდგენილი ინფორმაცია შეესაბამება მომხმარებელთა ეკონომიკური გადაწყვეტილებების მისაღებად საჭირო მოთხოვნილებებს. ფინანსურ ანგარიშგებაში ასახული ყველა ინფორმაცია არსებითია. არსებითობა დამოკიდებულია გამოტოვებული ან არასწორად წარმოდგენილი ინფორმაციის, ან შეცდომის სიდიდესა და ხასიათზე, რისი განხილვაც უნდა ხდებოდეს შესაბამისი კონკრეტული გარემოებების გათვალისწინებით. ამასთან, მიუღებელია, საწარმომ მსს ფასს-ის მოთხოვნებიდან არარსებითი გადახვევები გააკეთოს, ან ამგვარი გადახვევები შეუსწორებელი დატოვოს იმ მიზნით, რომ მიღწეულ იქნეს საწარმოს ფინანსური მდგომარეობის, მისი საქმიანობის ფინანსური შედეგების, წინასწარ გამიზნული სასურველი წარდგენა. ფინანსურ ანგარიშგებაში წარმოდგენილი ინფორმაცია არის საიმედო. ინფორმაცია საიმედოა მაშინ, თუ იგი არ შეიცავს არსებით შეცდომას, არ არის ტენდენციური და სამართლიანად წარმოაჩენს იმას, რის

წარმოსაჩენდაც არის გამიზნული, ან რასაც უნდა წარმოაჩენდეს, გონივრული მოლოდინის ფარგლებში.

ფინანსურ ანგარიშგებაში ოპერაციები და სხვა მოვლენები ასახულია და წარდგენილია მათი შინაარსის საფუძველზე და არა მხოლოდ მათი სამართლებრივი ფორმის შესაბამისად. ანგარიშგებაში ასახული ყველა სიდიდე ასახულია პროფესიული წინდახედულობის გამოჩენით და სრულყოფილად ასახავს კომპანიის ყველა სამეურნეო ოპერაციას. დაინტერესებულ მომხმარებელს შეუძლია საწარმოს 2018, 2019, 2020, 2021, 2022, 2023 და 2024 წლების ფინანსური ანგარიშგებების შედარება, ინფორმაცია ხელმისაწვდომია გადაწყვეტილებების მისაღებად შესაფერის ვადებში. ინფორმაციის შესაბამისობასა და საიმედოობას შორის დაცულია ოპტიმალური თანაფარდობა.

ფინანსური ანგარიშგების მსს ფასს-ების შესაბამისად მომზადება ითხოვს გარკვეული შეფასებებისა და დაშვებების გაკეთებას. ის ასევე მოითხოვს კომპანიის მენეჯმენტისგან, რომ მსჯელობის საფუძველზე მოახდინოს ყველაზე შესაფერისი სააღრიცხვო პოლიტიკის მიღება და დანერგვა.

ფინანსური ანგარიშგება მომზადებული კომპანიის უწყვეტი ფუნქციონირების დაშვების საფუძველზე.

ფული და ფულის ექვივალენტები

კანონმდებლობის შესაბამისად კომპანია ანგარიშსწორებებს ახდენს ეროვნული ვალუტით, შესაბამისად ანგარიშგებაც შედგენილია ეროვნულ ვალუტაში.

ფული და ფულადი ექვივალენტები მოიცავს ნაღდ ფულს, ფულად სახსრებს საბანკო ანგარიშებზე.

მოთხოვნები

ასეთი ტიპის ფინანსური აქტივები, წარმოიშობა მომხმარებელთათვის მომსახურების გაწევისას.

სასაქონლო-მატერიალური მარაგები

სასაქონლო-მატერიალური მარაგები ფასდება თვითღირებულებასა და წმინდა სარეალიზაციო ღირებულებას შორის უმცირესით. სასაქონლო-მატერიალური მარაგის თვითღირებულება ეყრდნობა საშუალო შეწონილი ღირებულების პრინციპს და მოიცავს მარაგების შეძენის ხარჯებს.

ძირითადი საშუალებები

ძირითადი საშუალება, რომელიც აკმაყოფილებს ბასს 16 „ძირითადი საშუალებები“-ს აღიარების კრიტერიუმებს, ფასდება თვითღირებულებით.

ძირითადი საშუალებების თავდაპირველი ღირებულება ფასდება მათი შესყიდვის ფაქტიურ ხარჯებზე დაყრდნობით, რომელიც მოიცავს მათი შესყიდვის ფასს, შესყიდვის დაუბრუნებად გადასახადებს და ნებისმიერ პირდაპირ დაკავშირებულ ხარჯს, რომელიც უკავშირდება აქტივის სამუშაო მდგომარეობაში მოყვანას და დანიშნულებისამებრ გამოსაყენებლად განთავსებას.

ძირითად საშუალებებზე გაწეული შეძენის შემდგომი დანახარჯები, რომლებიც ზრდიან ძირითადი საშუალების ექსპლუატაციის ვადას ან მისგან მისაღებ ეკონომიკურ სარგებელს კაპიტალიზირდება. ყველა სხვა ხარჯი კი აისახება მიმდინარე პერიოდის მოგება-ზარალის ანგარიშგებაში.

ძირითადი საშუალებების გასვლიდან მიღებული შედეგი აღიარდება მოგება-ზარალის ანგარიშგებაში მათი წარმოშობისთანავე.

ძირითად საშუალებებზე ცვეთის დარიცხვა ხდება მათი შესაძლო სასარგებლო მომსახურების ვადის განმავლობაში, სისტემატურ საფუძველზე, წრფივი მეთოდით.

სავაჭრო ვალდებულებები

კრედიტორული დავალიანება ფორმირებულია, როგორც მიღებული საქონლისა და მომსახურებისთვის გადასახდელი თანხების ღირებულება და მიღებული ავანსები.

ვალდებულებები, რომელთა გადახდის ვადა ერთ წელზე მეტია, კლასიფიცირდება, როგორც გრძელვადიანი ვალდებულებები.

საბანკო ვალდებულებები

კომპანია სარგებლობს ტერა ბანკის საგარანტიო მომსახურებით და სესხებით.

საქონლის მიწოდებიდან და მომსახურების გაწევიდან მიღებული შემოსავალი

შემოსავალი რეალიზაციად აღიარდება, როდესაც მოსალოდნელია, რომ მოცემული ოპერაციიდან კომპანია მიიღებს წინასწარ შეთანხმებულ ეკონომიკურ სარგებელს და შესაძლებელია მისი საიმედოდ შეფასება. როდესაც კომპანიას შეუძლია საიმედოდ შეაფასოს გაწეული მომსახურების შედეგები, მასთან დაკავშირებული შემოსავლის აღიარება ხდება საანგარიშგებო პერიოდის ბოლოს, გაწეული მომსახურების შესრულების სტადიის მიხედვით, რომელსაც აქვს შესაბამისი აღიარების პროცესი გავლილი.

ვინაიდან კომპანიის ძირითად საქმიანობას წარმოადგენს ისეთი ტიპის სამშენებლო სამუშაოების მიწოდება, რომელიც დამოკიდებულია დამკვეთსა და შემსრულებელს შორის ხელშეკრულებების ფარგლებში არსებულ ურთიერთობებზე, ხდება პერიოდულად შესრულებული სამუშაოების შესაბამისად მიღება-ჩაბარების აქტის (შესრულებული სამუშაოების ფორმა #2-ს) გაფორმება.

შემოსავალი აღირიცხება დარიცხვის მეთოდით.

სხვა შემოსავალი

სხვა შემოსავალი აღიარდება, როდესაც მოსალოდნელია, რომ მოცემული ოპერაციიდან კომპანია მიიღებს წინასწარ შეთანხმებულ ეკონომიკურ სარგებელს და შესაძლებელია მისი საიმედოდ შეფასება.

ხარჯების აღიარება

მოგება-ზარალის ანგარიშგებაში ხარჯი აღიარდება, თუ ის იწვევს მომავალი ეკონომიკური სარგებლის შემცირებას, რომელიც დაკავშირებულია აქტივების შემცირებასთან ან ვალდებულების ზრდასთან და შესაძლებელია მისი საიმედოდ შეფასება.

თუ ეკონომიკური სარგებელი მოსალოდნელია, რომ წარმოიქმნება რამდენიმე სააღრიცხვო პერიოდის განმავლობაში, მასთან დაკავშირებული ხარჯები სრული შემოსავლის ანგარიშგებაში აღიარდება გონივრული განაწილების საფუძველზე და/ან შესაბამისი აღიარების პროცესის გავლის შედეგად.

ხარჯები სრული შემოსავალი ანგარიშგებაში აღიარდება დაუყონებლივ, თუ მათგან მოსალოდნელი აღარ არის მომავალი ეკონომიკური სარგებლის მოტანა.

ხელფასების აღრიცხვა

ხელფასების დარიცხვა ხდება იმ პერიოდის განმავლობაში, როდესაც თანამშრომლებმა გაუწიეს მომსახურება კომპანიას.

ბალანსის შედგენის თარიღის შემდგომი მოვლენები

ბალანსის შედგენის თარიღის შემდგომი მოვლენები და ფინანსური ანგარიშგების ავტორიზაციის თარიღამდე მომხდარი მოვლენები, რომლებიც დამატებით ინფორმაციას იძლევა კომპანიის ფინანსური მდგომარეობის შესახებ, აისახება ფინანსურ ანგარიშგებაში. ბალანსის თარიღის შემდგომი მოვლენები, რომლებიც გავლენას არ ახდენს კომპანიის ფინანსურ მდგომარეობაზე ბალანსის შედგენის თარიღისთვის, მაგრამ არსებითი მნიშვნელობისაა, აისახება ფინანსური ანგარიშგების თანდართულ შენიშვნებში.

საკუთარი კაპიტალის აღრიცხვა

საკუთარი კაპიტალი 2024 წლის ბოლოსათვის შეადგენს 1391747 ლარს.

მოგება-ზარალი

წმინდა მოგება ნაწილდება და გამოიყენება:

დივიდენდების გასაცემად;

საწარმოს რეინვესტირებისათვის;

სხვა დანიშნულებით, პარტნიორთა გადაწყვეტილების საფუძველზე.

მოგების განაწილება და დაბეგვრა ხდება საქართველოს საგადასახადო კოდექსის 98-ე მუხლის საფუძველზე.

მოგების გადასახადი

მოგების გადასახადი იანგარიშება დაბეგვრის ახალი მოდელის, კერძოდ ე.წ. ესტონური მოდელის შესაბამისად.

შპს „ქართული გაერთიანებული კომპანია“-ს დირექტორი

ალექსი ლომიძე -----

ფინანსური მდგომარეობა

ფინანსური მდგომარეობა	31/12/2024	31/12/2023	31/12/2022
ფულადი სახსრები და მათი ეკვივალენტები	188321	118991	136518
სავაჭრო და სხვა მოთხოვნები	1620939	4598493	362944
სხვა პირებზე ავანსებად და სესხებად გაცემული ფულადი სახსრები	42115	360616	75000
მარაგები	187739	170929	66431
ძირითადი საშუალებები	1684673	1280046	502812
სულ აქტივები	3723787	6529075	1143705
ვალდებულებები			
სავაჭრო ვალდებულებები	1468427	4831934	374422
ვალდებულებები თანამშრომელთა მიმართ			23551
საგადასახადო ვალდებულებები	36724		29917
მოკლევადიანი ნასესხები სახსრები	50000		
გრძელვადიანი ნასესხები სახსრები	734354	731919	405535
სხვა ვალდებულებები	42535		506278
სულ ვალდებულებები	2332040	5563853	1339703
საკუთარი კაპიტალი			
გაუნაწილებელი მოგება / (დაგროვილი ზარალი)	1391747	965222	(195998)
სულ საკუთარი კაპიტალი	1391747	965222	(195998)
სულ საკუთარი კაპიტალი და ვალდებულებები	3723787	6529075	1143705

საქმიანობის შედეგები

საქმიანობის შედეგები	31/12/2024	31/12/2023
ნეტო ამონაგები	6344253	7166160
საქონლის გაყიდვიდან	291261	356648
მომსახურების გაწევიდან	493136	
სამშენებლო ხელშეკრულებებიდან	5559856	6809512
გაყიდვების თვითღირებულება	(5010168)	(5055590)
საერთო მოგება	1334085	2110570
სხვა საოპერაციო შემოსავალი	8965	500
დასაქმებულთა ანაზღაურება	(323945)	(251792)
ცვეთა / ამორტიზაციის ხარჯი	(73254)	(36441)
საპროცენტო ხარჯი	(91346)	(108339)
ადმინისტრაციული და სხვა საოპერაციო ხარჯი	(138311)	(405907)
სულ საოპერაციო ხარჯები	(617891)	(801979)
საოპერაციო მოგება	716194	1308591
გაუფასურების (ხარჯი) / აღდგენა:		
სხვა არასაოპერაციო შემოსავალი / (ხარჯი)	(4854)	
მოგება / (ზარალი) მოგების გადასახადის ხარჯამდე განგრძობითი ოპერაციებიდან	711340	1308591
საანგარიშგებო პერიოდის მოგება / ზარალი	711340	1308591
სხვა სრული შემოსავალი / (ზარალი):		
მთლიანი სრული შემოსავალი / (ზარალი)	711340	1308591
საკუთარი კაპიტალი საანგარიშგებო პერიოდის დასაწყისში	965222	(195998)
განაწილება მესაკუთრეებზე (მათ შორის დივიდენდი)	(278637)	(147371)
სხვა ცვლილებები გაუნაწილებელ მოგებაში	(6178)	
საკუთარი კაპიტალი საანგარიშგებო პერიოდის ბოლოს	1391747	965222